



# Uqaqtakhaq

## GN-kut akhuuqtut iniqtirninnga Inuinnait uqauhinginnut ilihaiviuyuni

**Qiqaiyarviani 17, 2017**  
**Iqaluit, NU**

Paul Quassa, Ministauyut Ilinniaqtuliriyiitkunnut ublumi naunaipkaqtaa hamna uqaqtakhanganik:

“Piniaqqunga uqaqtakhangit naunaitkutiniklu ilihainiqmut qanuqtullu ihuarhiniaqtuq ilihaivikhavut. Maligakhamut 37 piliqtuq uumunnga Tikkuaqtauhimayut Katimayiit Maligaliriniqmut ihivriuqtauniaqtuqlu uqaqatigilugulu maligaliuqtinit Maligaliurvikmi, ilaukmat maligaliriniptiknut.

Nunavut Kavamatkut ikayuqtuq UN Uqaqtaunia Pilaarutingit Nunaqaqqaarhimayunut. Ilinniaqtuliriyiitkut pivagait havaangit nutaanguqtiriniqmut ilihapkailugillu Inuinnait uqauhingit akhuuqtumik.

Ilinniaqtuliriyiitkut uqainnaqtait ihumaalutinginnik nutaamut piqalluangittuq aktikkulaanganik ikayuriami Inuktut uqauhiuyuq ilihapkaininnganut. Taimaittuq una huuq piumayangit himmautingit uumunnga *Ilinniaqtuliriyiitkut Maliganga* pipkaidjutiuq ihuaqtumik ihivriurniq nutaaq ilihapkainiqmut piyuq, unalu naunaipkaiffaarninnga ikayutikhanik piqariami pilaqutilluanganik ikayuriami nakuuqpiaqtumik Inuktut uqauhinganik ilihapkainiq. Ilinniaqtuliriyiitkut akhuuqhutik piyut naunairami uqaqatigiikninnga qanuqtut ihumagiyanginnik ilaliutihimayuq ihumaliuqtamiknik nutaanguqhimayunut *Ilinniaqtuliriyiitkut Maliganganut*.

Nunavut Kavamatkut akhuuqtut iluittumik malruuknik uqauhilikmik ilihaidjutikhamik, ilihimayunga piliuqniqtaqtugut akhuuqtumik, akuniraalukmik tunngavikhaq angikliyuumiriamti ihuarhigiamilu Inuktut nutaqqaptiknut in’nguttaptiknut atuqtakhaanik.”

###

### Tuhaqtipkaidjutiuyut Uqaqatigilugu:

Kuthula Matshazi

Aulapkaiyiuyuq Maliganut Ihumaliurniqmullu

Ilinniaqtuliriyiitkut

(867) 975-5606

[KMatshazi@gov.nu.ca](mailto:KMatshazi@gov.nu.ca)

ᓇᓱᐊᕗᑦ ᒪጀጀ ላጀጀ ላጀጀ ላጀጀ ላጀጀ ላጀጀ ላጀጀ ላጀጀ ላጀጀ ላጀጀ

[www.gov.nu.ca](http://www.gov.nu.ca)

News releases are available in Inuktitut, English, Inuinnaqtun and French on [www.gov.nu.ca](http://www.gov.nu.ca).

Tuhaqttaghat ittut Inuktitut, Qablunaatitut, Inuinnaqtun Uiviititullu talvani [www.gov.nu.ca](http://www.gov.nu.ca).

Les communiqués de presse sont disponibles en inuktitut, en anglais, en inuinnaqtun et en français à : [www.gov.nu.ca](http://www.gov.nu.ca).

Communications



# Kangirhidjutikhaq

Maligakhamut 37ilitariyaa piqalluanganmat aktikkulaanganik iluittumik iliurariami Inuktut uqauhikhaa ilihapkainiqmut sikuulihaaqtunut Ilihaqtunut 12mi. Pinahuaqtaa piumayangit himmautingit piliuriami aktikkulaanganik, naunaiyaqtillugu talani aktikkulaanga ittuq, ilihaqqtut pihimmaarniaqtut angiumik ilihapkainiq Inuktut.

Ilinniaqtuliriyiitkut ihumayut ikayuqtuq uqauhingaaadlatqiiktumik piyakhaq ilaliutihimayuq hapkuninnga:

- Piliurluni nutaamik uqauhiniqmut uuktuutingit uqaqatigiluigit tigumiaqtuuqatauyunut;
- Iniqtiqlugu iliuraqlugulu ihuarhaqhimayuq Inuit Havaamat Ihumaliuqtut ihumagilluaqtuq ilihainiqmut havaangit;
- Ayuirhainiq piliurlunilu inuknut ikayuutikhangit aktikkulaanga ikayuriammi Inuktut uqauhinganik ilihapkainiq sikuurvirkni;
- Iniqtiqluni iluittumik ihivriuqnii Nunavunmi Sikuuqtittingurumayut Ilihainiq Pinahuarut ukununnga Nunavunmi Ilihariaqpaallivingat ihumaliuffaariami ikayuriamilu pittaarninnga tunigiami Ilinniaqtuliriyiitkut maliktakhangit;
- Piliurluni nutaaq ayuirhagakanik naunaipkariami Inuktut ilihainiq sikuurvirkni; unalu
- Pihimmaaqluni piliuriami ilihapkainiq ayuirhainiqlu ikayuutikhaniukunatitut *Uqalimaariuqsaniq* Inuktut Naunaipkaihmayuq Taiguarniqmut pinahuarut.

Hapkuat aadlangurninngit ihariagiyaayuq piliurninnga nunguttailiniqmut uqauhinga ilihapkainiqmut uuktuutinga pilluaqhimayuq, atuqtauayuq nakuuqpiamiklu ikayuutiniaqtaa Inuktut ilihapkainiq.